

Yn bresennol

<p>Ynys Môn Non Dafydd (ND)</p> <p>Blaenau Gwent Kathy Riddick (KR)</p> <p>Pen-y-bont ar Ogwr Alice Parry (AP) Edward Evans (EE)</p> <p>Caerffili Eifion ap Llwyd Dafydd (ELD)</p> <p>Caerdydd</p> <p>Sir Gaerfyrddin Gaynor Jones-Higgs (GJH)</p> <p>Ceredigion Rhianydd James (RJ)</p> <p>Conwy Phil Lord (PL) Roger Boon (RB)</p>	<p>Sir Ddinbych Phil Lord (PL) Collete Owen (CO) Jennie Downes (JD)</p> <p>Sir y Fflint Vicky Barlow (VB) Trevor Dobson (TB)</p> <p>Gwynedd</p> <p>Merthyr Tudful Donna Graves</p> <p>Sir Fynwy Louise Brown (LB)</p> <p>Castell-nedd Port Talbot Rachel Samuel (RS)</p> <p>Casnewydd</p>	<p>Powys John Mitson (JM)</p> <p>Rhondda Cynon Taf Matthew Maidment (MM)</p> <p>Torfaen Hayley Jones (HJ)</p> <p>Bro Morganwg Tyler Saunders Marged Williams</p> <p>Wrecsam / Wrecsam Tania ap Siôn (TS) Libby Jones (LJ)</p> <p>Rhys Evans</p>	<p>PYCCGM Phil Lord (PL) <i>Donna Graves (DG)</i></p> <p>EFTRE Phil Lord (PL)</p> <p>Arsylwyr:</p> <p>CBAC Paul Morgan</p> <p>ESTYN</p> <p>Llywodraeth Cymru</p> <p>REC Kathy Riddick (KR) Libby Jones (LJ)</p> <p>Yr Eglwys yng Nghymru</p> <p>Gwasanaeth Addysg Gatholig</p> <p>Cymwysterau Cymru</p> <p>Rhwydwaith Rhyng- ffydd</p> <p>ADEW</p> <p>Siaradwr Gwadd Jaimie Woodhouse</p> <p>Cofnodion (o'r recordiad) Jo Nicholls (JNI)</p> <p>Cyfieithydd: Sioned Jones</p>
--	--	---	--

Cofnodion y cyfarfod

1. Cyflwyniad a chroeso

Croesawodd EE yr aelodau i gyfarfod yr haf a diolchodd i Awdurdod Lleol Ynys Môn a'i CYSAG am gynnal cyfarfod heddiw. Croesawodd EE y Cynghorydd Non Dafydd, Ymgynghorydd a Chadeirydd CYSAG Ynys Môn a roddodd y cyflwyniad canlynol:

Mae'n fraint cynnal cyfarfod CCYSAGauC. Rydym yn dod ynghyd gydag ymrwymiad i feithrin datblygiad Crefydd, Gwerthoedd a Moeseg mewn ysgolion yng Nghymru, gan gydnabod ei rôl sylfaenol wrth feithrin dealltwriaeth o'n pwrpas moesol. Wrth i ni ddechrau ar yr ymdrech hon gyda'n gilydd, gadewch inni gydnabod rôl yr ALLau wrth sicrhau bod y cwricwlwm CGM yn diwallu anghenion amrywiol ein cymunedau a phrofiadau pob disgybl mewn ysgolion.

Mae CGM mewn ysgolion yn garreg filltir i gymdeithas sy'n gynhwysol, trwy ymgysylltu â chwestiynau moesegol anodd, archwilio gwahanol fydolygon a pharchu gwahaniaethau. Mae myfyrwyr yn cael mewnwelediad gwerthfawr i wahanol systemau credoau a gwerthoedd sy'n ffurfio ein byd heddiw. Mae cael gwybodaeth o'r fath yn arwain at ddealltwriaeth sy'n lleihau rhagfarnau ac yn annog deialog ystyrion rhwng unigolion o wahanol gefndiroedd.

Mae ALLau mewn sefyllfa unigryw i hwyluso'r daith hon, gan bontio rhwng polisi a gweithrediad ymarferol. Mae ein cyfraniadau'n hanfodol i sicrhau bod addysg yn parhau i fod yn ddeinamig ac yn ymateb i'r anghenion sy'n esblygu ar gyfer dysgwyr ac athrawon.

Diolch i chi gyd am eich ymrwymiad i'r daith barhaus hon. Mae eich cyfranogiad yn y cyfarfod hwn yn dangos eich parodrwydd i ystyried datblygiad yr agwedd bwysig hon ar addysg. Gobeithio y gallwn ni i gyd fanteisio ar y cyfle hwn i rannu syniadau i ysbrydoli camau gweithredu ac i feithrin partneriaethau i gryfhau addysg ledled Cymru.

Gyda'n gilydd gallwn adeiladu dyfodol disgleiriach i'n myfyrwyr yn seiliedig ar werthoedd, parch, dealltwriaeth a chyfrifoldeb.

Diolchodd EE i Non Dafydd.

2. Myfyrdod tawel

Arweiniodd EE fyfyrdod ar heddwch a thrugaredd a rhannodd y stori "Dim Mwy na Dim". Gorffennodd EE gyda gweddi am undod.

3. Ymddiheuriadau

Derbyniwyd ymddiheuriadau gan y Cynghorydd Nia Jenkins (Castell Nedd Port Talbot), y Cynghorydd Rachel Buckler (Sir Fynwy), Christopher Owens (CBAC), Michaela Benjamin (Estyn), Ellen Stock (CLILC), Emily Lloyd (Yr Eglwys yng Nghymru). Nododd Vicky Barlow y byddai'n rhaid iddi adael yn gynnar.

4. Cofnodion y cyfarfod diwethaf, Zoom, (6 Mawrth 2025, Pen-y-bont ar Ogwr)

Adolygwyd y cofnodion a dylid eu diwygio fel a ganlyn:

- Dylid rhestru Andrew Bennett o dan Sir Gaerfyrddin.
- Newid "arbenigwyr AG" i "ymgynghorwyr AG".
- Newid "addysg rhyw" i "addysg rhywioldeb".

Cynigiodd RS ac eiliodd VB, gyda'r newidiadau hyn, fod y cofnodion yn cael eu derbyn fel cofnod cywir o'r cyfarfod a gynhaliwyd ar 6 Mawrth 2025.

Bydd EE, y Cadeirydd, yn llofnodi'r cofnodion i nodi mai dyma'r fersiwn derfynol ac yn darparu'r copi wedi'i lofnodi hwn i AP i'w ffeilio.

5. Materion yn codi o gofnodion y cyfarfod diwethaf, (6 Mawrth 2025, Pen-y-bont ar Ogwr)

- Dim materion newydd yn codi y tu allan i agenda'r cyfarfod presennol.

- Soniodd RB nad oedd adroddiad dwyieithog TaS wedi cyrraedd ei CYSAG.
- Cadarnhaodd LJ ei fod wedi'i anfon at bob CYSAG a bydd yn ei ailanfon at RB.

6. Cyflwyniad PYCCGM

Diolchodd Jaimie Woodhouse (JW) i CCYSAGauC a PYCCGM am y fraint o gael siarad yn y cyfarfod hwn. Mae JW yn siaradwr ysgol ar Ddyneiddiaeth a Sentientiaeth.

Cyflwynodd JW sleidiau ar Sentientiaeth. Bydd copi o'r cyflwyniad manwl a rannodd JW yn cael ei ddsbarthu i'r CYSAGau ar ôl y cyfarfod hwn. I grynhoi:

- Mae'r gair Sentientiaeth yn fydolwg fodern gyda bydolygon treftadaeth hynafol, sydd ag adleisiau o themâu o'r crefyddau Dharmaidd, y crefyddau Abrahamaidd, Dyneiddiaeth a Feganiaeth fel byd-olwg hefyd. Mae'n fydolwg syml wedi'i chrynhoi fel tystiolaeth, rheswm a thrugaredd at bob bod ymwybodol.
- Mae pobl ifanc yn pryderu am amrywiaeth, gwahaniaethu a hunaniaeth ac yn bryderus iawn am natur, yr amgylchedd a'r hinsawdd, sy'n dod yn fwy o fygythiad gydag effaith deallusrwydd artifisial a'r goblygiadau i'r technolegau hynny ar y ffordd rydym yn byw ein bywydau. Mae bydolwg teimladwy yn cysylltu ac yn atseinio â llawer o'r themâu gwahanol hynny a dyma'r cyd-destun y mae Sentientiaeth yn perthyn iddo fel byd-olwg anghrefyddol arall.
- Mae'n blatfform athronyddol syml, radical, plwraliaethol
- Cyflwynodd JW syniadau ar sut i addysgu Sentientiaeth mewn CGM a sut mae'n cyd-fynd â'r amcanion ar gyfer CGM fel pwnc. Gellir mynd i'r afael ag ef ar bob lefel, o rai 17/18 oed a myfyrwyr prifysgol i lawr i'r blynyddoedd cynnar.
- Cyflwynodd JW 4 syniad am wers.
- Cynigiodd JW helpu CCYSAuC ymhellach ac mae ei fanylion cyswllt i'w gweld ar y sleidiau.

Diolchodd EE i JW am ei gyflwyniad.

7. Materion Llywodraeth Cymru [LIC]

Cyfarfodydd tymhorol arferol gyda chydweithwyr Llywodraeth Cymru (LIC)

Cyfarfu swyddogion CCYSAGauC â chydweithwyr Llywodraeth Cymru, Alison Tom, Lloyd Hopkin a Guy DeLong-Smith ddydd Llun 19eg o Fai. Mae crynodeb o'r cyfarfod fel a ganlyn:

- Trafodaeth ar adroddiadau blynyddol CYSAG a'r niferoedd a dderbyniwyd ar gyfer 2023/24.
 - Rhannodd LIC a CCYSAGauC restr o'r adroddiadau a dderbyniwyd. Dywedodd LIC y byddent yn codi hyn gyda Chymdeithas Cyfarwyddwyr Addysg Cymru (ADEW) er mwyn eu hatgoffa o'i dyletswyddau cyfreithiol ynghylch Adroddiadau Blynyddol CYSAGau.
 - Cadarnhaodd LIC fod yr adroddiadau'n cael eu ffeilio'n ddiogel, a'u bod yn cael eu darllen a'u hystyried gan gydweithwyr priodol yn Nhîm Addysg Llywodraeth Cymru. Defnyddir yr adroddiadau i lywio sgysiaid mewnol. Bydd LIC yn ystyried darparu adroddiadau cryno yn y dyfodol.
- Gofynnodd CCYSAGauC 'Sut mae Llywodraeth Cymru yn disgwyl i ysgolion ddarparu CGM mandadol ym mlwyddyn 10 ac 11 o fis Medi 2025 heb gymhwyster dynodedig yn cael ei gynnig, fel y cwrs byr AG blaenorol?'
 - Ymatebodd y Llywodraeth y dylai'r ALI fod yn rhan o wella ysgolion, ac mae [Adnodd](#) bellach wedi'i sefydlu ac yn rhedeg a bydd yn cefnogi datblygu adnoddau. Mae CGM wedi'i nodi fel maes blaenoriaeth.
- Gofynnodd CCYSAGauC 'Os nad yw'r gyfres sgiliau a'r prosiect personol wedi'u cynllunio i fodloni'r gofyniad mandadol ar gyfer CGM yn unig, beth mae LIC yn awgrymu y dylai ysgolion ei wneud, i sicrhau eu bod wedi bodloni'r gofyniad mandadol ar gyfer CGM o 2027?'
 - Soniodd Llywodraeth Cymru y dylai ysgolion osgoi asesu popeth. Mae Llywodraeth Cymru yn cefnogi dull mwy cyfannol ym mlwyddyn 10 ac 11. Nid gwybodaeth a sgiliau yn unig sy'n bwysig ond hefyd tueddfryd a gwerthoedd. Mae Llywodraeth Cymru yn cydnabod bod ysgolion yn dal i feddwl am gymwysterau ac yn cynnwys pethau ar yr amserlen y mae angen adrodd arnynt ac yn dal i weithio yn ôl y mesurau perfformiad cyfredol hynny, a fydd yn newid.
- Cafwyd trafodaeth hefyd ynghylch a fydd y mesurau perfformiad newydd yn cefnogi'r ddarpariaeth fandadol o CGM, a phryd mae'r ymgynghoriad ar hyn. Dywedodd LH ei fod yn credu ei fod naill ai allan nawr, neu ei fod yn dod yn fuan. LH i adrodd yn ôl i CCYSAGAUc ar hyn.
- Gofynnodd CCYSAGAUc a oedd penderfyniad wedi'i wneud ynghylch a fydd Cymwysterau Archwilio Bydolygon Agored Cymru ar gael i ysgolion yng Nghymru ar gyfer cofrestru ym mis Medi 2027, oherwydd bod llawer o ysgolion newydd ddechrau'r cymhwyster hwn ym mis Medi 2025.

- Wedi hynny, mae LIC wedi ein hysbysu bod proses apelio yn digwydd ar gyfer y cymhwyster hwn, gan iddo gael ei benderfynu ym mis Mai gan Gymwysterau Cymru na fyddai Archwilio Bydolygon Agored Cymru yn cael ei ddynodi o fis Medi 2027. Gwneir y penderfyniad terfynol gan Gymwysterau Cymru ddiwedd mis Medi, pan fydd ysgolion yn cael gwybod. Mae CCYSAGauC yn gwybod am nifer o ysgolion sydd wedi ysgrifennu llythyrau at Agored Cymru i gefnogi'r cymhwyster ac mae hynny wedi'i gynnwys yn eu hapêl.
- Trafodwyd y toriadau Addysg Uwch a gofynnodd CCYSAGauC beth mae Llywodraeth Cymru yn ei wneud i fynd i'r afael â'r toriadau mewn Diwinyddiaeth ac Astudiaethau Crefyddol ym Mhrifysgol Caerdydd, ac effaith diswyddiadau ar y cyrsiau BA Addysg a TAR ym Met Caerdydd, a fydd yn amlwg yn cael effaith uniongyrchol ar arbenigedd mewn CGM a chenedlaethau'r dyfodol o ddysgwyr.
 - Dywedodd Llywodraeth Cymru nad oes ganddi unrhyw awdurdod dros brifysgolion nac unrhyw lais mewn penderfyniadau a wneir ynghylch y rhaglenni. Mae LIC wedi datblygu corff dysgu proffesiynol newydd o'r enw Adnodd, sy'n gyfrifol am ddatblygu adnoddau dysgu proffesiynol ar gyfer ymarferwyr yng Nghymru, a dywedodd LIC eto fod y corff hwn wedi nodi CGM fel maes blaenoriaeth. Mae ganddyn nhw hefyd gorff newydd gan Lywodraeth Cymru o'r enw [Medr](#), sy'n gymysgedd o eiriau Cymraeg am sgil a gallu. Mae'n gorff a noddir gan Lywodraeth Cymru sy'n goruchwylio addysg ac ymchwil ôl-16 yng Nghymru, a ddaeth yn weithredol ym mis Awst 2024.
 - Bydd LIC yn gwneud ymholiadau ynghylch pwy sy'n arwain ar y trosolwg o'r galw am bynciau, y ddarpariaeth a'r dosbarthiad mewn AU yng Nghymru o fewn Medr a bydd yn adrodd yn ôl. Mae'n debyg y bydd y gwaith hwn yn ystyried lle gallai fod angen ymyriadau i sicrhau parhad meysydd pwnc strategol bwysig, ac yn amlwg rydym wedi pwysleisio bod CGM yn un ohonyn nhw.
- Roedd diweddariad hefyd ar y prosiect TG yr oedd CCYSAGAUc yn gweithio arno gyda thîm Kevin Palmer a Max. Cafodd y prosiect hwn ei ohirio oherwydd amgylchiadau annisgwyl. Mae CCYSAGauC wedi cael manylion cyswllt Dirprwy Gyfarwyddwr newydd yr adran Ymarferwyr Ysgol, Chris Warner.
- Yr eitem olaf ar yr agenda oedd goblygiadau'r adolygiad haen ganol ar CYSAGau a CYSau ac ymgynghorwyr CGM, yn enwedig mewn ALLau, nad oes ganddynt ymgynghorydd penodedig ar hyn o bryd, a'r rhai sydd wedi'u tynnu allan o'r gwasanaeth rhanbarthol newydd, sydd bellach wedi'i weithredu ledled Cymru.
 - Dywedodd LIC eu bod yn rhagweld y bydd partneriaethau mwy anffurfiol yn cael eu ffurfio i gefnogi pob agwedd ar y cwricwlwm. Byddai Llywodraeth Cymru yn bryderus pe na bai capasiti ar gyfer cefnogi CGM neu gefnogaeth i'r CYSAGau o fewn pob awdurdod lleol.
- MM: A yw CCYSAGauC wedi cysylltu â Chymwysterau Cymru (CC) a CBAC ynghylch cwrs Agored Cymru? Oes unrhyw beth arall y gallwn ei wneud i geisio cefnogi'r cwrs hwn? Rwy'n ei ddechrau eleni, ac mae'n ymddangos yn ddewis arall da i'r TGAU o ran yr hyblygrwydd a'r cynnwys. Mae ennill cymhwyster yn ddefnyddiol i ysgogi disgyblion.
- LJ: Cyfarfu CCYSAGauC â Chymwysterau Cymru ym mis Ebrill 2025, a bydd RS yn rhoi'r wybodaeth ddiweddaraf i'r Pwyllgor yn ddiweddarach yn y cyfarfod. Mae Cymwysterau Cymru yn ei weld fel newid diwylliant i athrawon, ac mae hefyd yn newid diwylliant i ddysgwyr a rhieni i feddwl am ffyrdd newydd o ysgogi dysgwyr heb y cymhwyster hwnnw, sy'n her i ysgolion. Mae CCYSAGauC yn sicr yn ystyried bod cymhwyster yn gymhelliant da i ddysgwyr, ond efallai nid i bob dysgwr.
- RB: Roedd Conwy wedi rhannu pryderon tebyg gyda CC. Rhannodd RB ymateb CC gyda Sam Rowlands, aelod cynulliad lleol Gogledd Cymru, a gafodd gyfarfod â Lynn Neagle yn ei dro. Roedd rhai anghysondebau yn yr adborth gan CC a Lynn Neagle.

CAM GWEITHREDU: RB i rannu'r holl ohebiaeth â CCYSAGauC drwy e-bost at LJ.

Ymateb gan Ysgrifennydd y Cabinet Lynne Neagle

Adroddodd EE y canlynol:

Cafodd y llythyr a anfonwyd at LN ei ddsbarthu i bob CYSAG cyn y cyfarfod.

Roedd y llythyr yn cynnwys y cwestiynau canlynol:

- Pa gamau y mae Llywodraeth Cymru yn eu cymryd i gefnogi a monitro'r ddarpariaeth o CGM mandadol?
- Pa fecanweithiau sydd ar waith i sicrhau bod ysgolion yn cydymffurfio â gofynion statudol Deddf cwricwlwm ac asesu Cymru mewn perthynas â CGM?
- Sut mae Llywodraeth Cymru yn cefnogi datblygiad proffesiynol athrawon CGM presennol a darpar athrawon?
- Beth yw rôl CYSau yn y dyfodol?

Darllenodd EE yr ymateb gan LN. Dosbarthwyd yr ymateb llawn gyda phapurau'r agenda. Diolchodd LN i CCYSAGauC am ei chefnogaeth barhaus wrth helpu ysgolion i gyflwyno CGM. Cydnabu LN bwysigrwydd CCYSAGauC a CYSau wrth gefnogi ysgolion i fodloni gofynion deddfwriaethol.

Soniodd EE am bwysigrwydd cyfarfodydd rheolaidd CCYSAGauC gyda'r Pwyllgor Gwaith a chymaint mae'r Pwyllgor Gwaith yn gwerthfawrogi rolau CCYSAGauC a'r CYSAGau.

8. Ymchwil a gefnogwyd gan CCYSAGauC - Prosiect Llais yr Athro: CGM yn y Cwricwlwm i Cymru

TaS: Cafodd nodyn atgoffa am yr arolwg gyda dolenni a chodau QR ei gynnwys yn y papurau agenda. Mae Arolwg Llais yr Athro ar gyfer CGM yn cau mewn ychydig o dan dair wythnos. Mae wedi bod ar agor ers diwedd mis Ionawr, ac mae'n cau ar yr 22ain o Orffennaf ar ôl anfon sawl nodyn atgoffa yn y cam olaf i dderbyn cymaint o ymatebion â phosibl. Mae ar agor i bawb sy'n ymwneud ag addysgu ein CGM mewn o ysgolion neu leoliadau 3 i 16 - meithrin, uwchradd, arbennig ac Unedau Cyfeirio Disgyblion.

Gofynnodd TAS i holl aelodau CYSAG hyrwyddo'r arolwg hwn gan ddefnyddio'r dolenni a'r codau QR. Gofynnir yn benodol am ymatebion gan athrawon mewn ysgolion cyfrwng Cymraeg.

9. Toriadau prifysgol

Soniodd LJ, oherwydd y toriadau staff a chau ysgolion ym Mhrifysgolion Cymru, fod CCYSAGauC wedi ysgrifennu at Brifysgol Metropolitan Caerdydd i gyflwyno ei safbwynt a'i chefnogaeth a phwysleisio'r angen am arbenigedd CGM ar gyfer y TAR Addysg Grefyddol Uwchradd, y TAR Cynradd a'r BA mewn Addysg Gynradd. Bydd llythyr tebyg yn cael ei anfon at Brifysgol Caerdydd. Mae CCYSAGauC yn bwriadu parhau i weithio gyda LIC i ddod o hyd i atebion i fynd i'r afael ag effaith negyddol bosibl y penderfyniadau hyn ar ddysgwyr a'i lleihau.

Mae CCYSAGauC eisoes wedi cyfrannu at ddatblygu cynllun prosiect gyda Thîm Kevin Palmer. Mae trafodaethau parhaus rhwng cydweithwyr CCYSAGauC a'r Llywodraeth i ystyried y biblinell i ysgolion uwchradd, gwella cynlluniau cymhelliant, gwella dysgu proffesiynol ar gyfer arbenigwyr, ymgyrchoedd a ffyrdd arloesol eraill o sicrhau bod gan bob dysgwr y mynediad gorau posibl at arbenigwyr mewn CGM.

Fel y soniwyd yn flaenorol, mae Adnodd sy'n gyfrifol am ddatblygu adnoddau dysgu proffesiynol ar gyfer ymarferwyr yng Nghymru wedi dweud bod y corff wedi nodi CGM fel maes blaenoriaeth a bod corff newydd, Medr, a fydd yn gyfrifol am ariannu a rheoleiddio'r sector addysg drydyddol ac ymchwil yng Nghymru.

Roedd Cyngor Addysg Grefyddol Cymru a Lloegr hefyd yn bryderus a chynhaliodd gyfarfod (19 Mehefin 2025) o'i gyrrff a'i aelod-sefydliadau sydd yng Nghymru neu sydd â buddiant yng Nghymru. Fel Ymgynghorydd Cymru i'r Cyngor Addysg Grefyddol, anogodd LJ, gynrychiolwyr cyrff aelodau'r Cyngor Addysg Grefyddol i gydnabod Cymru fel partner cyfartal a chynnig cefnogaeth mewn ffordd briodol a pharchus, gan gofio bod addysg yng Nghymru wedi'i datganoli, ni waeth pa mor debyg yw ein materion. Canlyniad y cyfarfod hwnnw, yn fyr, oedd y bydd y Cyngor Addysg Grefyddol yn ysgrifennu llythyr agored am effaith y toriadau hyn ar Addysg Grefyddol.

Gofynnodd LJ am unrhyw gwestiynau/sylwadau:

GJH: Fel caplan Cristnogol ym Mhrifysgol Abertawe, mae fy rôl mewn perygl o gael ei diswyddo ar hyn o bryd. Byddwch yn ymwybodol bod timau ffydd yn cael eu heffeithio, yn ogystal ag adrannau academaidd.

JD: Yn bryderus iawn gan mai dim ond ar addysg uwchradd y mae cyflwyno'r cwricwlwm yn effeithio, ac yn amlwg mae addysg bellach yn rhan o'r naratif hwnnw.

RB: Yn bryderus iawn ac wedi cynnig cysylltu â Sam Rowland.

KR: Os nad oes athrawon newydd yn dod drwodd, bydd y pwnc yn dioddef yn fawr. Cynhaliodd y REC gyfarfod yn benodol am y pwnc hwn a'r effaith ar Gymru. Mae pryder hefyd, os byddwn yn recriwtio athrawon o Loegr i lenwi swyddi CGM, na fyddant wedi cael eu hyfforddi yn y cwricwlwm newydd nac yn meddu ar y sgiliau iaith.

Mae llythyr agored y REC at y gweinidog addysg i gael ei lofnodi gan bob parti sydd â diddordeb ac mae'n dangos bod pryder mawr yn gyffredinol.

Mae'n hanfodol bod CCYSAGauC yn cysylltu â'r Senedd, oherwydd er nad oes gan y Senedd oruchwyliaeth na rheolaeth dros y prifysgolion, mae'n rheoli bwrsariaethau a'r lefel o bwys maen nhw'n ei roi ar y pwnc.

Gallwn ofyn i aelodau'r Senedd drefnu dadl ddiwedd y dydd. Mae yna lawer o bethau y gallwn eu gwneud i ymgysylltu ag aelodau'r Senedd ar y grŵp trawsbleidiol ffydd ac yn ehangach. Hoffwn fod yn rhan o helpu gyda'r strategaeth ar gyfer ymgysylltu â'r Senedd.

PL: Awgrymwyd mewn unrhyw ohebiaeth fod gwaith sylweddol wedi'i wneud ar CGM a bod angen mwy o ysgogiad iddo weithio. Gallai'r ymdrech a'r egni i gyflwyno'r cwricwlwm newydd hwn gael eu dadwneud gan rymoedd allanol nad ydynt yn gysylltiedig â'r CGM, ond sy'n ymwneud â llywodraethu ysgolion neu benderfyniadau a wneir y tu allan i'r ysgol.

GWEITHREDU: Swyddogion Gweithredol CCYSAGauC i drafod a phenderfynu ar gynllun gweithredu ynghylch cysylltu â'r Aelod Senedd a'r Senedd ei hun.

10. Cymwysterau

Cyfarfod ag Oliver Stacey (29-4-25)

Rhoddodd RS y diweddariad canlynol:

Cyfarfu CCYSAGauC â chynrychiolwyr Cymwysterau Cymru (CC), Oliver Stacey a Laura Williams.

Trafodwyd y pynciau canlynol:

- 1) Cymhwyster Agored Cymru – Archwilio Bydolygon sy'n rhedeg tan 2027.
Dyweddodd CC fod ganddo broffil uchel a pha mor boblogaidd ydoedd. Ond mae cyfnod i gydnabod a yw'n addas neu a ydyw'n dyblygu cynnwys. Mae gan CC tan ddiwedd mis Medi i benderfynu a fydd y cymhwyster hwn yn parhau ar ôl 2027. Mae apêl wedi dod i law gan Lywodraeth Cymru ynghyd â llythrau cefnogaeth gan CCYSAGauC, PYCCGM ac ysgolion. Hysbysiad ddiwedd mis Medi.
Cyfeiriodd CC at gymhwyster lefel mynediad Pearson, mae CC yn ystyried hwn fel cymhwyster posibl y gellid ei ddefnyddio ar gyfer ysgolion Catholig cyfrwng Saesneg, pe bai Pearson am wneud cais.
- 2) Rôl, a hawliau CCYSAGauC i weld y fanyleb ddrafft ar gyfer yr uned sgiliau.
Bydd nifer o fyrddau asesu yn edrych ar gymwysterau fel CBAC ac Agored Cymru ynghyd â rhanddeiliaid eraill fel CCYSAGauC yn siarad yn uniongyrchol â'r byrddau asesu. Mae CBAC ac Agored Cymru yn hysbysebu am bobl i eistedd ar y grwpiau llywio. Mae CCYSAGauC wedi'i ychwanegu at y cyfeiriadur o randdeiliaid sy'n cael ei rannu gyda'r byrddau asesu.
- 3) A oes arbenigwyr penodol i greu'r unedau hyn a faint o arbenigwyr pwnc sydd wedi bod ar y grŵp?
Soniodd CC fod rhai byrddau asesu eisoes wedi hysbysebu am fewnbwn i'r safonau newydd e.e. mae Agored Cymru yn chwilio am bobl i weithio gyda nhw. Mae rhai arbenigwyr pwnc ar gael, mae grŵp llywio ond nid arbenigwyr pwnc. Cadarnhaodd OS, oherwydd pwysigrwydd CGM, y bydd yr unedau'n cael sylw trylwyr, fel pwnc gorfodol hyd at 16.
Dyweddodd CC fod ganddo dîm cymeradwyo yn gweithio gyda'r gyfres sgiliau. Mae pob uned i fod ar gael erbyn mis Medi 2026. Bydd rhai unedau'n cael eu cyhoeddi os ydynt yn barod cyn eraill. Cododd CCYSAGauC bryderon gan y gallai hyn gael effaith negyddol ar y sgiliau hynny sy'n cael eu rhyddhau yn ddiweddarach.
June Jenkins fydd yn arwain ar y cymwysterau.

Roedd yn gyfarfod buddiol i gael gwell dealltwriaeth. Cynhelir cyfarfodydd pellach wrth i'r cymwysterau hyn gael eu datblygu.

RB: Mae'r gyfres sgiliau yn hanfodol i ddyfodol CGM yng Nghyfnod Allweddol Pedwar, a yw'r math o strwythur ymgynghori yn galluogi mewnbwn arbenigol i'r broses honno?

RS: Mae CCYSAGauC yn rhan o'r cyfeiriadur hwn o bobl y gall y rhai sy'n datblygu'r cymhwyster droi atynt. Mae Cymwysterau Cymru wedi cydnabod bod angen edrych yn fanylach ar y bwriad i ddatblygu'r tair uned benodol hynny uwchlaw eraill. Mae'n anodd, gan nad oes neb wedi'i benodi i ysgrifennu'r cymwysterau hyn eto.

PL: Mae PL ar banel o arbenigwyr a fydd yn edrych drwy'r cynigion ac yn eu llywio. Ni fydd PL yn cynnig cefnogaeth i gyrff unigol oherwydd bydd hynny'n wrthdaro buddiannau, ond bydd yn gallu gweld beth sy'n cael ei gyflwyno a rhoi cyngor i Gymwysterau Cymru.

RS: Rhaid bod yn ymwybodol o ddau beth 1) Nid yw wedi'i gynllunio i gwmpasu pob gofyniad CGM a 2) Mae'n dibynnu ar bob ysgol unigol pa rai, os o gwbl, o'r setiau sgiliau maen nhw'n eu cynnig i'w dysgwyr. Mae hyn yn rhywbeth i ddweud wrth ymgynghorwyr ysgolion ac ALLau, bod angen gwthio i edrych ar werth y tair uned hynny, i annog eu dilyn.

11. Cynhadledd EFTRE

Cynhelir y gynhadledd bob tair blynedd ac mae yn Budapest eleni. Mae CCYSAGauC wedi gwahodd athrawon i wneud cais am fwrariaeth i fynychu. Mae dau athro wedi gwneud cais ac wedi bod yn llwyddiannus yn eu cais. Mae CCYSAGauC yn falch o allu noddî'r athrawon CGM. Bydd yr athrawon yn adrodd yn ôl i CCYSAGauC ar eu hymweliad.

Bydd PL, cynrychiolydd EFTRE, hefyd yn bresennol ac mae'n annog yr aelodau i ddarllen y rhaglen a gyhoeddwyd ar wefan EFTRE ac i ddarllen yr adroddiadau diddorol am y wlad.

Mae PL wedi awgrymu i CCYSAGauC ystyried Cymru fel lleoliad ar gyfer cynhadledd 2028. Mae EFTRE yn gweithio mewn partneriaeth â'r wlad sy'n cynnal y gynhadledd. Bydd gan y wlad sy'n cynnal y gynhadledd ganran uwch o gyflwynwyr ac mae EFTRE yn annog athrawon i gyflwyno. Awgrymwyd potensial ar gyfer prosiect Ewropeaidd yn edrych ar Cynefin ledled Ewrop. Bydd EFTRE yn cyfarfod fel bwrdd ar ddiwedd cynhadledd 2025.

EE: Soniodd y PL am hyn yng nghyfarfod diwethaf y Pwyllgor Gwaith ym mis Mai, a chodwyd cwestiynau. Bydd y Pwyllgor Gwaith yn dychwelyd at y pwnc hwn yn y cyfarfod nesaf, ar ôl derbyn rhagor o wybodaeth ar ôl cynhadledd EFTRE.

12. Adroddiad gan y Pwyllgor Gwaith a gynhaliwyd ar 14-5-25

TaS: Mae'r rhan fwyaf o faterion yn cael eu trafod ar agenda heddiw.

Nodwyd bod yr ymateb i ddiwrnod y gynhadledd wedi bod yn gadarnhaol. Derbyniwyd nifer o geisiadau am seminarau ar-lein pellach, yn debyg i seminarau cyn ac ar ôl y gynhadledd a gynhaliwyd gan CCYSAGauC y llynedd.

Mae'r Pwyllgor Gwaith yn awyddus i ddilyn llwyddiant y gynhadledd yn y flwyddyn ysgol nesaf. Mae gweithgor bach wedi'i ffurfio i gynhyrchu rhai syniadau cychwynnol ar gyfer trafodaeth bellach, a fydd yn cael eu rhannu maes o law.

13. Diweddariadau

• **CBAC (Christopher Owens)**

Nid oedd CO yn gallu bod yn bresennol ac anfonodd ddiweddariad ysgrifenedig byr a ddarllenwyd i'r aelodau gan RS. Y diweddariad fel a ganlyn:

Mae'n gyfnod prysur iawn i'r bwrdd gyda thymor arholiadau, mae cyfres yr haf ar gyfer AS, Safon Uwch a TGAU yn digwydd. Mae arholiadau wedi'u sefyll ac mae'r marcio yn mynd rhagddo. Ar gyfer ceisiadau TGAU astudiaethau crefyddol, roedd gan bob uned geisiadau trwy gyfrwng y Gymraeg a'r Saesneg, yr unig grefydd nad oedd wedi'i ddewis, ac mae hyn wedi bod yn wir ers nifer o flynyddoedd, oedd Sikhiaeth. Ar gyfer tymor yr hydref, mae digwyddiadau dysgu proffesiynol wedi'u trefnu. Bydd yn ddysgu proffesiynol ar-lein, a bydd yn canolbwyntio'n bennaf ar yr Asesiad Di-arholiad ar gyfer uned dau. Nid oes dyddiad wedi'i drefnu eto. Yr addysgu cyntaf ar y TGAU newydd fydd mis Medi 2025 gyda'r arholiad cyntaf ar yr Asesiad Di-arholiad uned dau a'r unedau papur arholiad yn haf 2026.

• **Cyngor Addysg Grefyddol (REC) (Kathy Riddick)**

Rhoddodd KR y diweddariad canlynol:

Fel y soniwyd yn flaenorol, mae REC yn ysgrifennu llythyr agored at y gweinidog addysg a byddant yn ei rannu gyda CCYSAGauC.

Mae'r REC wedi bod yn brysur gyda'r adolygiad cwricwlwm yn Lloegr. Mae Sarah Lane Court, cadeirydd y Pwyllgor Addysg, wedi bod yn cyflwyno i'r Pwyllgor Addysg yn Lloegr am gyflwr problemau Addysg Grefyddol. Mae'r REC yn argymhell fframwaith enghreifftiol cenedlaethol ac yn aros i weld sut mae'r adolygiad cwricwlwm yn datblygu. Disgwylir y canlyniadau o hynny a'r penderfyniadau ynghylch sut maen nhw'n mynd i symud ymlaen â'r adolygiad cwricwlwm hwnnw yn yr hydref.

Mae cyfarfod bwrdd y prynhawn yma,

• **PYCCGM (Phil Lord)**

Rhoddodd PL y diweddariad canlynol:

Gyda'r cylch naturiol o gadeiryddion yn symud ymlaen ac is-gadeiryddion yn cymryd y rôl newydd, rydw i wedi cymryd y rôl fel cadeirydd PYCCGM am y dyfodol rhagweladwy, mae Paula Webber wedi camu i lawr o'r rôl, ac mae DG wedi camu i rôl yr Is-gadeirydd.

Yn ein cyfarfod diwethaf, trafodwyd llawer o'r materion a drafodwyd heddiw. Ysgrifennodd PYCCGM llythyr at Is-Ganghellor Prifysgol Caerdydd ynghylch y toriadau a'r cau ac fe'i hanfonwyd ar 9 Mehefin 2025. Mae PYCCGM wedi gofyn i'r brifysgol archwilio canlyniadau posibl yr hyn y gallai'r toriadau a'r

cau ei olygu, a oes ganddynt unrhyw bryderon, a beth fyddent yn ei wneud yn ei gylch? Nid oes ymateb wedi dod i law, felly bydd y llythyr yn cael ei ail-anfon yr wythnos nesaf.

Trafodwyd adroddiadau blynyddol a sut olwg fyddai ar adroddiad blynyddol da, gan aros am ganllawiau gan Lywodraeth Cymru.

Mae PYCCGM wedi cynnig cefnogaeth i CBAC ynghylch ei sgysiau ar y gyfres sgiliau. Yn ymwybodol nad yw PYCCGM eisiau ffafrio rhai sefydliadau. Os oes sefydliadau eraill y mae pobl yn eu hadnabod a fydd yn ystyried cynnig am y gyfres sgiliau hynny, rhowch wybod i PL. Mae CBAC yn cyfarfod yr wythnos nesaf, ac mae PYCCGM wedi'i gynrychioli yn y cyfarfodydd hyn.

Mae PYCCGM yn ceisio cynhyrchu llythyrau cymorth gwerthfawr ar gyfer byd CGM trwy 'goffi CGM'. Mae cyfarfod ymhen pythefnos i edrych ar gynnydd mewn CGM gyda'r bwriad o ddarparu canllawiau a deunydd cymorth ar y pwnc hwn.

Llongyfarchodd EE PL a DG am ymgymryd â rôl cadeirydd ac is-gadeirydd yn y drefn honno, ac mae CCYSAGauC yn edrych ymlaen at barhau â'r berthynas rhwng PYCCGM a CCYSAGauC.

- **Estyn (Gwawr Meirion)**

Dim diweddariad ar gael

- **Materion lleol / ymholiadau**

Ni dderbyniwyd unrhyw ymholiadau ar faterion lleol.

14. **Gohebiaeth**

- Mae'r holl ohebiaeth wedi cael ei thrin yn y cyfarfod hwn.

15. **Unrhyw fater arall (i'w gytuno cyn y cyfarfod gyda'r Cadeirydd)**

- Dim unrhyw fater arall.

16. **Dyddiad y cyfarfod nesaf – drwy zoom, a gynhelir gan Fro Morgannwg ar ddydd Mercher 19 Tachwedd 2025**

Daeth y cyfarfod i ben am 12.20pm.